



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLVII. Judicium Temerarium vitandum.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

MEDITATIO CCLVII.

Judicium Temerarium vitandum.

Matth. 7.

PUNCTUM I. Sicut præcedente parte Sermonis à Christo dicta, spectant ad DEI Amorem in nobis perficiendum; ita, quæ hac parte Sermonis, & in hac Meditatione dicuntur, ad perfectionem Amoris erga Proximum pertinent. Dixit itaque Christus apud Matth. 7. à v. 4. *Nolite judicare, ut non judicemini: in quo enim judicio judicaveritis, judicabimini.* Quibus verbis prohibet judicium temerarium de Proximo, partim promissione, partim comminatione utens. Si enim Proximum temerariè non judicaverimus, dabit nobis DEVS specialia auxilia Gratix, ut nihil agamus, ob quod à severo DEI Judicio aliquando metuendum sit, vel ob quod etiam mereamur sinistra hominum de nobis judicia. Si autem temerariè judicaverimus, finet nos DEVS in similes, vel etiam graviores defectus incidere. Ideo S. Paulus ad Rom. 2. v. 1. scribit: *Inexcusabilis es, ô homo, quò judicas; in quo enim judicas alterum, te ipsum condemnas: eadem enim agis, quæ judicas.* Et apud Cassian. l. 5. instit. c. 30. fateatur Abbas Machetes, quòd, in quibus Proximum suum temerè judicârat, deinde in eadem ipse quoque inciderit. *Quibus (inquirebat ille) mihi manifestè compertum est, iisdem causis ac vitijs Monachum obligari, in quibus de alijs judicare præsumpsit.* Et licet non iisdem specie obligaretur; obligat se tamen ipso peccato judicij temerarij, gravi, vel levi, prout est peccatum

catum Proximi, & prout Judicium est magis vel minus firmum, ac propter rationis levitatem magis vel minus temerarium. Præterea invadit talis temerarius iudex Divini Judicis potestatem, cuius solius est de arcanis & occultis judicare. Idcirco admonet Paulus 1. Cor. 4. v. 5. *Nolite ante tempus judicare, quousque veniat Dominus, qui & illuminabit abscondita tenebrarum, & manifestabit consilia cordium.* Et rectè etiam de tali Thomas Kempensis l. 1. c. 14. ait: *In peccando alios homo frustra laborat, sapius errat, & levius peccat.* Propterea S. Bernardus Serm. 40. in Cantu dicit: *Cave alienæ conversationis esse aut curiosus explorator, aut temerarius iudex. Etiam si perperam actum quod reprehendas, nec sic iudices Proximum; magis autem excusa intentionem, si opus non potes, puta ignorantiam, puta subreptionem, puta casum.*

PUNCT. II. *Quid autem vides festucam in oculo Fratris tui, & trabem in oculo tuo non vides? aut quomodo dicis Fratri tuo: sine, eijciam festucam de oculo tuo: & non trabes est in oculo tuo? Hypocrita, eijce primum trabem ex oculo tuo, & tunc videbis eijcere festucam de oculo Fratris tui.* Matth. 7. v. 3. Ecce efficacissimum remedium contra temerarium iudicium est, oculos & iudicium proprii intellectus à Proximo ad te ipsum, & ad proprios defectus considerandos convertere; & propriam emendationi, quam Proximi correctioni intendere: interea verò se quasi cæcum æstimare, ineptum ad iudicandum alios.

PUNCT. III. *Omnia, quaecunque vultis, ut faciant vobis homines, & vos facite illis. Hæc est enim Lex & Propheta.* Matth. 7. v. 12. Ecce iterum novum remedium contra temerarium iudicium. Diligere necesse

pe Proximum, sicut seipsum. Quemadmodum ergo velles, ut alij de te laudabiliter judicarent, & omnia in bonam partem interpretarentur; ita tu facito Proximo tuo. Et universim statue tibi hanc Regulam diligendi Proximum tuum.

MEDITATIO CCLVIII.

Arcta ad Cælum via, & Porta angusta. Matth. 7.

PUNCTUM I. Videri poterat Christus suis Auditoribus, ob difficultatem agendi, vel vitandi ea, quæ ad æternam Beatitudinem & Salutem consequendam hæctenus docuerat agenda, vel vitanda, portam & viam ad æternam Beatitudinem, & ad Salutem, nimis angustam asseruisse, & Doctrina ejus non minùs veritati, quàm praxi & mori communiter recepto contraria esse: ut itaque hanc opinionem illos dedoceret, dixit: *Intrate per angustam portam: quia lata porta, & spatiosa via est, quæ ducit ad perditionem, & multi sunt, qui intrant per eam. Quàm angusta porta, & arcta via est, quæ ducit ad Vitam, & pauci sunt, qui inveniunt eam!* Matth. 7. v. 13. Nempe angusta porta & arcta via est, restringere & coërcere liberam voluntatem per exactam observationem Præceptorum, per cohibitionem indomitarum passionum, per susceptionem, & portationem Crucis quotidianam. Econtrario lata porta, & spatiosa via ad perditionem est Leges liberè transgredi, laxare fræna passionibus & appetitui, voluptates & gaudia illicita sectari. Quia verò plerique per istam ad perditionem, pauci